

Delinqueint Ed Modna

Modena City Ramblers

Arivam terda a la sira,
coi strumeint in dal bavol,
a g'am al bas e la chitara e po al viulein.
A g'am dal machini ch'i an fat toti la guera,
a gh'è quala ed Lucio
c'la g'ha un cartoun a tac a la purtera.

Eh, oh a sam la banda
a sam gnu che par suner
an's ciapa gnanc un sold
ma a gh'è da fer dal gran casein.

A sam la banda i sunador
con du tambur e gnanc un sold
a sam gnu par fer baraca tota sira.

A sam la banda i sunador
qui dal viulein e qui dal folk
a sam gnu par fer baraca tota sira.

A gh'è i delinqueint ed Modna.
I delinqueint ed Modna.
A gh'è i delinqueint ed Modna.
I delinqueint ed Modna.

A sam visti cum di puvret,
a g'am dal ghegni ch'i fan spaveint
a gh'è un bancari, a gh'è un dutor e di sfighè.

Ma eh, oh quand a's partes,
a'g vin d'la mosa, a'g vin dal fes
e un, du, tri, quater la gint i d'vinten mat.

A's va in gir par la muntagna
e par la basa ad oc sbare,
al prem c'a'l s'indurmeinta
al ciapa un sciaf a tac i deint.

A sam la banda i sunador
con du tambur e gnanc un sold
a sam gnu par fer baraca tota sira.

A sam la banda i sunador
qui dal viulein e qui dal folk
a sam gnu par fer baraca tota sira.

A gh'è i delinqueint ed Modna.
I delinqueint ed Modna.
A gh'è i delinqueint ed Modna.
I delinqueint ed Modna.